



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap. V. Baptismus Christi. Jejunium. Prima vocatio discipulorum.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

MARGARITUM SPIRITUALE. 15

SPITOM
ME VI-
TAB
CHRISTI.
ANN. I.
II. VII.
XII. XXX

atum est, post triduum invenerunt illum in templo, sedentem in medio doctorum, audientem illos, & interrogantem eos. Stupebant autem omnes, qui eum audiebant, super prudentia & responsis ejus. Et videntes admirati sunt. Et dixit mater ejus ad illum: Fili, quid fecisti nobis sic? Ecce pater tuus & ego dolentes quærebamus te. Et ait ad illos: Quid est quod me quærebatis? nesciebatis quia in his, quæ Patris mei sunt, oportet me esse? Et ipsi non intellexerunt verbum, quod locutus est ad eos. Et descendit cum eis, & venit Nazareth: & erat subditus illis. Et mater ejus conservabat omnia verba hæc in corde suo. Et Jesus proficiebat sapientiâ, & ætate, & gratiâ apud Deum & homines.

CAPIT V.

Baptismus Christi. Jejunium. Prima vocatio discipulorum.

1. Ioannes Baptista prædicat penitentiam.
2. Turbis, Publicanis, & militibus.
3. Testatur Christi excellentiam.
4. Iesum ad se venientem baptizat.
5. Iesus jejunat, post jejunium tentatur.
6. Prima vocatio discipulorum, Andrea & Petri.
7. Philippi & Nathanaëli.

1. Ioannes Baptista sua prædicatione implet Iesum viciniam de pani-

ANNO autem quintodecimo imperii Tiberii Cæsaris, procurante Pontio Pilato Judæâ, Tetrarchâ autem Galilææ Herode, Philippo autem fratre ejus Tetrarchâ Iturææ & Trachonitidis regionis, & Lyfaniâ Abilinæ Te-

trarchâ, sub principibus sacerdotum Annâ & Caiphâ, factum est verbum Domini super Joannem, Zachariæ filium, in deserto. Et venit in omnem regionem Jordanis, prædicans & dicens: Pœnitentiam agite; appropinquavit enim regnum cælorum. Hic est enim, qui dictus est per Isaiam Prophetam, dicentem: Vox clamantis in deserto, Parate viam Domini, rectas facite semitas ejus. Ipse autem Joannes habebat vestimentum de pilis camelorum, & zonam pelliceam circa lumbos suos: esca autem ejus erat locustæ, & mel silvestre. Tunc exhibat ad eum Jerosolyma, & omnis Judæa, & omnis regio circa Jordanem; & baptizabantur ab eo in Iordane, confitentes peccata sua. Dicebat ergo ad turbas: Facite fructus dignos pœnitentiæ. Iam enim securis ad radicem arborum posita est. Omnis ergo arbor non faciens fructum bonum, excidetur, & in ignem mittetur.

Et interrogabant eum turbæ, dicentes: Quid ergo faciemus? Respondens autem dicebat illis: Qui habet duas tunicas, det non habenti: & qui habet escas, similiter faciat. Venerunt autem & publicani ut baptizarentur, & dixerunt ad illum: Magister, quid faciemus? At ille dixit ad eos: Nihil amplius, quàm quod constitutum est vobis, faciatis. Interrogabant autem eum & milites, dicentes: Quid facie-

rentiâ se prædicanda. CHRISTI AN. XXX Luc. 3. Math. 3.

Lucæ 3.

2. Dat monita pœnitentiæ turbis, Publicanis.

& militibus.

PRIMO
AN VI
TAV
CHRISTI
AN. XXX.
XXXI.

mus & nos? Et ait illis. Neminem concutiatis, neque calumniam faciatis; & contenti estote stipendiis vestris.

3.
Testificatur de Christo: baptis- mumque ejus suo baptismo praefert.

Existimante autem populo, & cogitantibus omnibus in cordibus suis de Ioanne, ne fortè ipse esset Christus; respondit Ioannes, dicens omnibus: Ego quidem aqua baptizo vos: veniet autem fortior me post me, cujus non sum dignus solvere corrigiam calceamentorum ejus. Ipte vos baptizabit in Spiritu sancto, & igni. Cujus ventilabrum in manu ejus, & purgabit aream suam, & congregabit triticum in horreum suum, paleas autem comburet igni inextinguibili. Multa quidem & alia exhortans evangelizabat populo.

4.
Profite- sur Chri- stum Re- dempto- rem pec- catorum, & eum baptizat
Matc. 1.
Math. 3.
Ioan. 1.
Math. 3.

Et factum est, in diebus illis venit Iesus à Nazareth Galilææ in Iordanem ad Ioannem, ut baptizaretur ab eo. Et vidit Ioannes eum venientem ad se, & ait: Ecce agnus Dei, ecce qui tollit peccata mundi. Et prohibebat eum dicens: Ego à te debeo baptizari, & tu venis ad me? Respondens autem Iesus, dixit ei: Sine modò, sic enim decet nos imple- re omnem iustitiam. Tunc dimisit eum. Baptizatus autem Iesus, confestim ascendit de aqua: & ecce aperti sunt ei cæli, & descendit Spiritus sanctus corporali specie sicut columba in ipsum. Et ecce vox facta est de cælis dicens: Hic est filius meus dilectus, in quo mihi complacui. Et ipse Iesus erat

Lucæ 3.

incipiens quasi annorum triginta, ut putabatur, filius Ioseph. Et testimonium perhibuit Ioannes, dicens: quia vidi Spiritum descendentem quasi columbam de cælo, & mansit super eum. Et qui misit me baptizare in aqua, ille mihi dixit: Super quem videris Spiritum descendentem, & manentem super eum, hic est qui baptizat in Spiritu sancto. Et ego vidi, & testimonium perhibui quia hic est Filius Dei.

Iesus autem plenus Spiritu sancto, regressus est à Iordane, & ductus est à spiritu in desertum. Et erat in deserto quadraginta diebus & quadraginta noctibus, & tentabatur à satana, eratque cum bestiis. Et nihil manducavit in diebus illis. Et consummatis illis, esuriit. Et accedens tentator dixit ei: Si Filius Dei es, dic ut lapides isti panes fiant. Qui respondens dixit: Scriptum est, Nò in solo pane vivit homo, sed in omni verbo, quod procedit de ore Dei. Tunc assumpsit eum diabolus in sanctam civitatem, & statuit eum super pinnaculum templi, & dixit ei: Si Filius Dei es, mitte te deorsum. Scriptum est enim: quia Angelis suis mandavit de te, & in manibus tollent te, ne fortè offendas ad lapidem pedem tuum. Ait illi Iesus: Rursum scriptum est: Non tentabis Dominum Deum tuum. Iterum assumpsit eum diabolus in montem excelsum valde: & ostendit ei omnia regna mundi, & glo-

5.
Christum
jejunat 3
in deser-
to dies
quadra-
ginta.
Lucæ 4.
Math. 4.
Mart. 1.

Luc. 4.
Math. 4.
Tentatur
à diabolo
ter, & eis
profligato

riam

EPITO-
MA VI-
TAB
CHRISTI
A N. XXX.
XXXI.

riam eorum, & dixit ei: Hæc omnia tibi dabo, si cadens adoraveris me. Tunc dicit ei Iesus: Vade sathana: scriptum est enim: Dominum Deum tuum adorabis, & illi soli servies. Tunc reliquit eum diabolus: & ecce Angeli accesserunt, & ministrabant ei.

6.
Baptista docet discipulos suos, Christum esse Messiam: duo sequuntur Iesum.
Ioan. 1.

Quadam autem die, stabat Iohannes, & ex discipulis ejus duo. Et respiciens Iesum ambulans, dicit: Ecce agnus Dei. Et audierunt eum duo discipuli loquentem, & secuti sunt Iesum. Conversus autem Iesus, & videns eos sequentes se, dicit eis: Quid quaeritis? qui dixerunt ei: Rabbi (quod dicitur interpretatum, Magister) ubi habitas? Dicit eis: Venite, & videte. Venerunt, & viderunt ubi maneret, & apud eum manserunt die illo: hora autem erat quasi decima. Erat autem Andreas frater Simonis Petri unus ex duobus qui audierant à Iohanne, & secuti fuerant eum. Invenit hic primum fratrem suum Simonem, & dicit ei: Invenimus Messiam, (quod est interpretatum, Christus.) Et adduxit eum ad Iesum. Intuitus autem eum Iesus, dixit: Tu es Simon filius Iona, tu vocaberis Cephas, quod interpretatur Petrus.

7.
Philippus vocatur, sequitur Iesum.

In crastinum voluit exire in Galileam, & invenit Philippum. Et dicit ei Iesus: Sequere me. Erat autem Philippus à Bethsaida, civitate Andreae & Petri. Invenit Philippus Nathanaël, & dicit ei: quem scripsit Moyses in lege, &

Prophetae, invenimus Iesum filium Ioseph à Nazareth. Et dicit ei Nathanaël: A Nazareth potest aliquid boni esse? Dicit ei Philippus: Veni, & vide. Vidit Iesus Nathanaël venientem ad se, & dicit de eo: Ecce verè Israëlita, in quo dolus non est. Dicit ei Nathanaël. Unde me nosti? Respondit Iesus, & dixit: Priusquam te Philippus vocaret, cum esses sub ficu, vidi te. Respondit ei Nathanaël, & ait: Rabbi, tu es filius Dei, tu es Rex Israël. Respondit Iesus, & dixit ei: quia dixi tibi: Vidi te sub ficu, credis: majus his videbis.

Philippus adducit Nathanaëlem.

CAPUT VI.

Prima miracula. Secunda vocatio discipulorum.

1. Iesu mutat aquam in vinum in nuptiis.
2. Ejicit à templo vendentes & ementes.
3. Mulieri Samaritana inuorescit.
4. sanat à febre filium Reguli.
5. Habitat in Capharnaum, prædicat regnum Dei.
6. Vocat à navi quatuor discipulos.
7. Circumit totam Galileam docens in Synagogis, & miracula patrans.

POSTEA nuptiæ factæ sunt in Cana Galilææ, & erat mater Iesu ibi. Vocatus est autem & Iesus, & discipuli ejus, ad nuptias. Et deficiente vino, dicit mater Iesu ad eum: Vinum non habent. at dicit ei Iesus: quid mihi & tibi est mulier? nondum venit hora mea. Dicit mater ejus ministris: quodcumque dixerit vobis, facite. Erant autem ibi lapideæ hydræ sex positæ secundum purifi-

I. Iesu vocatur, interest nuptiis. Ioan. 2.

Intercedit mater pro vine.